

Autoridad proteha Marisol y politica hala un banda

# Piscadornan no por zink responsabilidad Marisol!

\* Investigacion proyectonan y Namdar mester sigui

\* Relacion intimo waf y Gobierno hancra den Namdar y Kioskeronan

ORANJESTAD (AAN) - Riba tereno politico Marisol mester bay bringa su guera cu Mike Eman. Hecho ta, cu piscadornan a percura pa submarino bini ariba y Marisol porfin presenta na Pueblo. Por bisa cu esaki tabata talbez hustamente tabata e momento cu tabata warda pa laman bay cu tur loke Marisol y Gobierno mester splica Pueblo. E preguntanan di Adi, cu tabata fastioso pa Marisol, solamente a sirbi pa Marisol a lanza sospecho grave riba Ministro Presidente Nelson Oduer. Tempo cu Marisol mester a duna cuenta pa e caso Namdar, tabata su yuchi. Awor ta e menaza di piscadornan; cu hasta tabata negocia cu Maurice Neme, ta duna Marisol oportunidad pa bini den publicidad y trata di scapa di loke e mester responsabilisa su mes pe. Destino ta straño. Pero ta na waf, e tabla mester a bula pa Marisol sali den publicidad. E momento a yega pa politica hala un banda y autoridad, investigando ki menaza tabata tin contra Marisol, inmediatamente bay busca Namdar y cumenza investiga proyectonan. Clave ta, cu Maurice Neme, persona cu experiencia tabata dispuesto pa debilbe piscadornan nan pier!

Kico politica por haci a keda demostra ayera. Mientras Aruba ta zink bau e peso di tanto escandalo y te ainda un presupuesto no por a worde atendi, mientras Ministro ta baha, Ministro ta subi, Aruba ta a punto di bira e gran perdedor. For di ayeramerdia tabata visto cu e problema di piscadornan lo a bira uno serio. Tiramento di palabra na radio a bira tan personal cu hasta hende a cumenza ta ataca hende segun nan bario. Mientrastanto, ainda no tabata tin ningun claridad den uno di e casonan cu DIARIO como corant tin hopi tempo ta cuestiona hunto cu hopi otro proyecto, pasobra tur gobernante a bira invisibel. Hustamente ayera DIARIO a worde informa cu Procurador General lo a declara cu e no por a intero-

ga Namdar ainda den e caso di waf, den cual tambe Marisol ta un figura central pasobra Abogado Hulandes di Williams a bisa cu tin dos testigo cu a mira Marisol tuma e carta di soborno cu a worde entrega na su persona. Mescos cu tur caso den cual tin gobernante involvi, e caso Namdar tambe a worde "secuestra" pa tempo. Te awe autoridad no por bisa Pueblo, si Namdar a duna placa bau mesa pa e proyecto cu el a propone y cu ta exactamente copia di loke Gobierno a prepara y segun testimonian di den seno di Gobierno mes, tabata loke Gobierno a negocia cu Namdar. Hecho ta, cu algun dia pasa, Raoul cu a haya Caya Betico Croes, a muestra con promer cu eleccion e proyecto cu e ta realiza lo keda cla pa

asina MEP tin un bunita proyecto pa bay eleccion cune. Esey tabata e promesa di Namdar den e carta ofreciendo Un Miyon bau mesa tambe. Den e caso di Namdar tambe waf tabata involvi y hasta ta gerente di APA tabata negocia pa Gobierno. Dia Marisol a anuncia cu e kioskeronan no por bay bende nan producto riba waf, ya waf tabata pasa pa APA, pero ta Marisol a dici-di. Awe Marisol mester contesta Pueblo pakico el a duna Maurice e acera pa e haci su

edificio mas grandi y asina bende pa un bon prijs di 5 Miyon cu un stranhero. Marisol no por scapa di su responsabilidad. E momento a yega pa politica hala un banda pa asina berdad sali na cla. Marisol no por uza piscadornan pa landa yega tera y haci manera nada a pasa! E sistema cu gobernantenan ta disparce pa despues bini ariba ora ta conveniente, mester caba y awor, mientras autoridad mester percura pa seguridad di Marisol, e como gobernante mester responsabiliza su mes enfrente Pueblo!

**TELEFONNAN DI DIARIO**  
**582-6747- FAX 582-8551**

## HAIR GONE WILD!!



**BEST DEAL**

Tel: 5827100

(Pariba di Aruba Bank, Paradera)

**SPAARPOT**

hopi modelo

